

湖北金石志

金石志六

唐

鄂州新廳記

伏據文苑
英華錄入

自昔秦置郡有守漢魏以降因之其秩二千石雖有監刺而
宰制威福之重蓋古之諸侯鄂在楚爲國秦爲縣吳爲江夏
郡縣歷至宋乃維八州置郢州及齊更郢爲鄂隋氏披其郡
猶謂之州官則刺史而政無條刺之法矣皇朝沿襲舊制或
爲郡或爲州剖符責成其實乃太守之職前代建置所理之
處其城不恆今之州卽舊城於江夏吳仲謀經營之程普始
守之當荆吳江漢之衝要爲藩鎮固護之雄制天寶以前四
方無虞第據編戶眾寡等衰州望鄂是以齒於下後戎狄亂

華寓縣沸騰屯兵阻險斯稱巨防朝廷尋陟州列將寄勳賢
之重廣德二年遂聯岳河事置三州都團練使大厯八年加
處置觀察使十四年六月二使廢時置當州防禦使且屬於
江南國家始務省官息人而終慮咽喉襟帶之地思典守者
既輕其權矣復欲俾任重尤難其選是月十日乃命祕書少
監兼侍御史李公授之公名兼隴西人也到官三年之五月
復改爲三州防禦使江岳隸焉仍領元戎之副董江西諸軍
銳師以伐叛於襄陽旣而克平九月加散騎常侍防禦洎州
如舊公之莅鄂也今茲四年以清德誠信爲教化以至公深
仁爲字育則劇門里閭僑舊詠歌如嬰兒之得乳母餒夫之
逢稔歲理軍施令其士卒歡慶亦如之但加乎肅畏而已由
是所防三十餘里洞庭彭蠡在其間水舟陸車山藪塢野皆

我長城之內用是嘉之王人絡繹天書繼至三軍萬戶以爲
禁而者去懼不得而借也初刺史有大小之廳其度甚卑或
門扉迫近或廊廡狹隘將吏參集迴旋偪側繇歷年代未遑
革廳之左二曰府舍摧壞空曠公乃剡闢其地作爲新廳大
夏旣立長廊以二則儉而規法結構殊精因士卒忘勞之力
出貨財足用之羨經營有成井邑莫知惟昔之公門今爲外
入而遂東廣開崇庸北達於里門櫜戟森列戒徒儼衛每饗
士誓眾駢羅廣廷蕭牆之陰旗旒繽紛威容克振君子謂之
智憬將赴京師目覩嘉謀輒記新廳之壁庶允朝鮮之盛時
舊有廳都團練觀察使記刺史無記曩賢名士多所闕焉是
用求訪遺者得之必書蓋李公之志也來哲繼踵冀增輝於
此堂時建中三年十有一月也

鄂州新廳記碑建中二年趙憬撰

金石存佚考

述聖碑

佚

唐述聖碑在南門外五里田間唐廬陵王嗣聖元年遷房州神龍元年復辟故宮爲龍光寺寺有述聖碑建中三年立今斷缺不全

輿地碑記目

江西節度出師記碑

佚

戴叔倫撰鄧晏書建中四年三月十四日立

寶刻類編

曹成王舉出師碑在黃梅縣東一里五祖院眾造寺中戴

叔倫撰鄧晏書

輿地碑記目

戴叔倫字幼公潤州金壇人師事蕭穎士爲門人冠嗣曹

王皋領湖南江西表佐幕府皋討李希烈畱叔倫領府事
試守撫州刺史遷容管經略使代還卒于道年五十八

唐書

傳本

保安鎮陣圖記

佚據文苑
英華錄入

甲子歲我王克勦春之明年也是時天王居梁州丞相司徒
勉出於陳畱逆豎乘是遂爲六合鯨吞虎踞使宿賊杜少誠
長短兵三萬方將拔勦取黃濟江而南至於五嶺盡以天子
之地懸自受署焉春二月逆師自穆陵陰山白沙三大關支
下而進威聲炎炎如無枝梧緣道邏守已陷六七我師洶然
少沮氣勢王感慨激三軍沈略通神明以爲是鎮地勝而險
固卒薄而孱老彼必知我將銳志而圖之設伏眾戎盡殪可

也乃命兵馬使伊慎桀帥驍悍四十人銜枚宵入張諸柵之
卒人伏于莽間賊果體來以發弧登於是中軍一鼓萬夫雷
呼內兵乘高而唐突之伏卒陵背而芟割之紅旗拉風長戟
如倚晨暮三接朱殷溪濱獲馬牛百萬蹶斬首數千級其餘
斃踣瘡痍皚皚枕籍者遂大築京觀以光武功焉由是氛霧
蕩八方日月麗大幽兇醜懷締搆江淮完推命江淮而南父
子夫婦無僕虜之患皆一舉之力也故自希烈亂常天下擁
兵之諸侯議鴻勳茂績者莫敢承風焉先是包大夫佶司天
下之賦將自揚阻荆萬橋峩峩不得安動繫我之捷卽陸驅
車水方舟驚颿駭雲集於天王君子謂我王之勳績也大
宜載太常刊鼎銘豈獨續繅素而已載忝賓介廁繫韉之末
得備書事揚公休聲貞元元年七月二十日記

保安鎮陣圖記符載撰貞元元年七月保安鎮在大冶縣

西六十里

金石存佚考

土汭鎮保靈記

佚據文苑英華錄入

夏口至西南四百里其山曰西塞其鎮曰土汭相距可百丈許崖岸中斷呀然摩霄大江浩浩橫注其下其餘控荆衡走揚越氣雄勢傑岡連水匯者蓋數千里此天用設險於吳楚也苟邊將不武化爲豺狼以一鼓之鐵一_口之木撐關鍵鎖絕流東隘則江介之勝吞八九于鎮中矣在昔僭吳偏宋或攻或守年代紛綸莫可悉數永泰中代宗以董秦爲淮西節度是鎮愿焉秦數兇戇昧惜王度乘先朝寬大之典幸是地咽喉之固雖無跋扈之志而多割剝之暴至於士民工商連

矯如雲必將沿于斯汜于斯主守者乃高其門閥厲其威容
恣奸吏巧誣聽部伍強句誣差毫釐誘入罪地輸其緡錢魚
鹽丹漆羽毛小則半取之大則竭索之愁痛之聲雷動宇內
小人君子咸謂爲蠻貊之域無何李希烈自裨將驅除董秦
奪其兵柄其土狀之民方組織禍階軍食不足督索之酷倍
百前政甲子歲希烈大逆不道德宗震怒命宗臣曹王皋肅
將天威詰暴誅亂節制江西之師春二月王乞靈宗廟一戰
而克故是鎮復歸於我遠近皆輟泣爲笑姁姁相賀枯骸瘠
體脫去擔負然否則傾矣而未甚泰元年夏四月國家裂諸
侯之地俾大夫盧公藩壤沔鄂以江蘄等六大郡屬之車始
至而沴氣肅清令始設而軸轄滿盈和始扇而魚鼈不驚浹
辰之下舊染汙俗咸與保_固矣昨野人出自山林來自上郡

帆次檻側卒不識禁將不呵問無逗遛於時無哀敎於貨向
至暮夜則漁者唱樵者和蕩蕩然罷鳴柝吠犬之驚嗚呼昔
登太行摧輪之險今踐通衢如砥之泰非所託遇仁賢所守
用德義則孰能致此與是知王者之御四海得賢而治失人
而亂諸侯之守封略以德則固恃險則亡其猶影響耶況大
夫寬仁惠和文武光明杼易簡爲約束萬夫知禁倚誠信爲
政令千里自化變我澆俗寔爲貞澗若察近以遠則他日手
指陶甄心運動植蚩蚩橫目知受其大賴矣小子感前後之
殊事樂人庶之服悅故爲保寧記以獻敢無愧詞貞元丙寅
歲夏五月三日山客符載記

土汭鎮保寧記符載撰貞元二年五月土汭鎮今爲道士

汭

金石存佚考 按舊唐李忠臣傳董秦平盧人賜姓李氏名忠臣大歷十一年加檢校司空平章事汭州刺史

性貪殘軍無紀綱人不堪命大將李希烈因眾心之怒以十四年三月舉兵脅遷忠臣李希烈傳忠臣奔赴朝廷詔授希烈淮西節度留後建中三年僭稱建興王四年僭號曰武成以汴州爲大梁府貞元二年死記中所云皆其事也

襄陽北樓記

佚據文苑
英華錄入

天時有晦明人情有舒慘或感瘁交構鬱凝不發非登高遠眺望則無以疏達其氣導沖和之性焉藹藹襄陽山水之鄉征南興岷亭之賞王造北樓之勝緬邈千載遐襟一致靜操其旨得不根柢於是乎然勢勝則同制作迺異請得本末而言之先前之人公舍之內特建危榭以瓌碩之材樹奎雜之地左右瞻顧視生熟人莫能登甚無光輝我公懷之會異日官府無事攜鄒生枚叟之客高步縱觀於城之墉次於北

閤大獲偉地公竟符義意據陴不去元機一發樓在吾目由
是振陳爲新拔卑爲高經營鼓智才力什一笑拊之下義義
橫空襄人駭之謂靈物佐助不然者何以不憚貨不峻程不
罷民而成不朽之績容易若此之甚也夏五月辛巳公欲亟
遲遐矚亦旣樂只爲食肴酒聚賓而登之異其勢隱軫氣崇
融上乘百雉旁壓萬井飛陞虹指長檻雲截陵昭回而永睇
闕萬態之糾紛楚山無際漢水遠去郢門商雒微茫天外當
是時大火炎炎里閭如燔更簞驟盪躁灼不解及其燕也卽
窈藹靜深端和肅清輕飆四來衝闥動局座賓相顧如在顯
氣況乎春之發舒秋之沈寥固不言而勝矣壯而不侈謂之
範作而不費謂之智登降有序謂之禮享宴有惠謂之仁道
崇者聲輝位大者物舉搢紳君子咸謂爲此樓與羊公峴亭

不沒矣若掘客土斬異材斲他山之石奪齊人之力肆浩蕩之觀窮靡嫚之樂實曰涼德賈謗不暇亦文者何述焉野人鯁劣備詳公明白之實敬揚休休爲來者大猷五年六月十五日記

襄陽北樓記碑貞元五年符載撰

金石存佚考

襄州新學記碑

佚

襄州新學記碑貞元五年盧羣撰羅讓行書

金石錄

唐盧羣撰羅讓書貞元五年六月建碑陰題山南東道節

度嗣曹王皋等十三人名

復齋碑錄

唐新學記正元五年立盧羣文在府學

輿地碑記目

盧羣字叔初嘗爲曹王皋判官羅讓字景宣父珣亦在曹

王皋幕府其撰文與書殆在斯時與讓書襄陽學記最有名米元章始效其作後乃超邁入神耳宋人避英宗本生父濮安懿王諱故或稱羅遜他書遂列羅遜于宋人書品中失之矣

金石存佚考

新修劉景升廟記

佚

唐修劉景升廟記唐盧羣撰羅讓書貞元中立

訪碑錄

修劉景升廟記羅讓書在襄州

金石略

按水經沔水注城東門外二百步劉表墓

太康中爲人所發見表夫妻其尸儼然顏色不異猶如平生墓中香氣遠聞三四里經月不歇今墳塚及祠堂猶高顯整頓元李俊民劉表廟詩自注云祠前有墓在府城東門內宋李方叔劉表廟詩亦有人自東郭門言拜景升墓之句均與水經注違異今府志言墓在縣東十里組土牆亦未知其何據也

京山郭橋記碑

金石六

佚據京山
志錄入

聖人肇於造舟後代相沿不易梁溘有服隨之說棧劍爲資
蜀之要取諸大壯以濟不通於梯山之徒納職之命傳國之
利厚家之貨不可斯須而廢其有不欺女信嫉惡蛟毒良以
期徵於納履讓或伏身於見執發機雖異而致名之蹟同也
夏禹疏洪水除其昏墊庖義乘馬牛廣乎運載皆垂致遠之
計將以貽厥後嗣國以人爲本民以食爲天行李滯塞何經
遂於謀生哉以身觀身以國觀國自天子至於庶人無有不
因力製造取贖於民之業矣楚郢之境西浮漢江草創之始
東馳京嶺古風遺事有陽春白雪之美淒然不變中改溫州
之邑仍角陵之井次易新陽之號立京山之稱會府無巨川
之濟歸里及巾車之傲誓心無題柱之所攜手絕敘離之地

冬涸則[匡]坎險澀夏漲則奔騰浩淼憧憧性來行人阻之我
州尊榮陽鄭公權衡以心利劍在手辭北闕以作牧蹇赤帷
以御人必能剗剔姦邪懲革汚俗不然何以克承斯後以安
疲庶京兆韋於屈爲宰服黃綬於鄂渚綰銅章於郢上下馬
而黠吏破膽愛民而政聲盈耳先難後易靡不有初恕已遠
躬終亦如始矧能貶食省用均賦守官捐不急之繇行以時
之政本取於市百倍於市價庸於工畢樂於工可謂悅以使
民民忘其勞也鑿堆補罅遷曲於直夷陵就谷奠礎於水平
板榦法於砥礪具畚築削於高阜凭修闌而植髮運眼互虬
梁而睛虹可指然後施諸頽艘飾以皜粉樹華剝而表道刻
堅岷以旌德不惟招襁負接土物抑乃光里閭壯郭郭使後
躡動思賢之詠居人懷勿翦之感余名竊佐州承牒觀風兼

以求煥觀績而不刊不立孤爲條而徒飲徒咏書之於石以彰永好且題且記告於守者貞元十年十一月二十五日立荆山郭橋記正元十年鄧州長史劉丹記

與地碑記目

漢陽王張柬之碑

佚

漢陽王張柬之碑李邕撰翟令問八分書貞元十二年十

一月

金石錄

中書令張柬之碑在襄州

金石略

按唐書柬之傳贈中書令封漢陽王趙鄭所云卽一

碑也嘉慶通志分爲二碑誤

瞿府君墓志銘

佚據古刻叢鈔錄入

唐故朗州武陵縣令博陵瞿府君墓志銘

府君諱令其先本博陵越人也蓋帝嚳之末裔□□□□
□□晉永嘉二年遷于南楚曾祖詮皇長沙縣令大父□□
□□□□□軍考曰智皇國子助教纂承儒業□□□□向
二百年□□夫人南陽張氏世傳冠蓋奕葉簪纓府君則國
子監助教第二子幼而孤天□□□弟更相誨訓未嘗住師
□茂業成各登□第府君以□□□解褐曹州堯氏縣□□
□□仕擢□邑□□元年遷峽州長□□□百里稱賢頌□
□□大庾□□□安州雲夢守節奉法猾吏秉心貞元歲授
朗州武陵去獸逾□捕亡□□從官四任□政大夫以□□
字人□稱其善公庭訟息□館□□愼始令終府□□□武
陵謝秩東告于歸南維舟眾人瞻仰凡廿八載守道□仕何
圖皇天不弔降此哀禍嗚呼元□□何昧□□材賢時貞元十

二年龍集□子三月遭疾七月庚寅□子□縣私第夫人廣
平程氏令淑有聞威儀組紉敬事先姑□□以大厯年先
府君而終府君享年七十有八有子三人長曰錡官至左衛
兵曹參軍次子伋鄂州武昌縣尉少曰紹□州□□縣尉孤
子棚等□茶淚血號訴聞天視庭戶而蕭條觀空堂而寂寞
長幼孤露一門無恃以其年十月四日遇青□之吉歸柩於
鄂州江夏縣長樂鄉順化里黃鶴山西□之原禮也孤子棚
散□亂□號泣□銘謹以爲誌銘曰

於戲□

□□□

苦則

其積善于家肅穆清華

其克儉克勤榮

祿□

其四從厯

□一門承蔭

其天道何昧降斯災害

其神

道胡欺遭此禍

其冀

□眉壽皇天不祐

其無託

其驚魂慘色哀號罔極

其痛割心腸仰訴穹蒼

其十壽堂

其無託

其驚魂慘色哀號罔極

其痛割心腸仰訴穹蒼

其十壽堂

任啟遵其經禮十一□□土□刻□古二十 孤子惻述并書

朗州武陵令翟令珪墓志孤子惻述并八分書貞元十二

年十月在鄂州

寶刻類編

孟浩然碣

佚

唐樊澤撰正書無姓名無立石年月

金石錄

唐故襄州處士孟君墓碑銘唐樊澤撰碑今在谷隱寺

輿地

碑記

唐處士孟君墓碑按唐史浩然襄陽人卒於開元之末樊

枝原澤為節度使乃刻碑鳳林山南封寵其墓余嘗親拜

墓下碑測兩面其一面極磨滅首行有江南風景四字墨

工謂之江南風景碑多不模傳余反覆玩味乃同一碑爾

遂語諸人其後得全碑者自余始此碑樊澤撰不載書人姓名襄陽耆舊傳謂亦樊澤其間可以言詩及詩語樂和詩字俱從旨從寺此字於他書無所見獨見於此聊記之

集古後錄

樊澤爲節度使時

貞元八年山南南道觀察使樊澤

浩然墓庠墳符載以

牋叩澤曰故處士孟浩然文質傑美殞落域久

王士源集序開元二

十八年

門高陵遲丘隴頽沒永懷苦人行路慨然前

公欲更築大墓閬州摺紳聞風輒動而今外迫軍旅內勞

賓客牽耗歲時或有未遑誠有好事者乘而有之負公風

志矣澤乃更爲刻碑鳳林山南封寵其墓

唐書文藝傳

羅隱孟浩然墓詩鹿門黃土無多少恰到書生冢便低張
蟬弔孟浩然詩親栽鹿門樹猶蓋石牀陰陳羽過浩然舊

居詩孟子死來江樹老煙霞猶在鹿門山釋負休經浩然
鹿門舊居第二首家穴應藏虎荒碑祇見苔齊已過鹿門
詩鹿門埋孟子皆以爲墓爲在鹿門而唐書則云鳳林一
在縣南十里一在縣東南三十里當亦傳聞之異詞也

金石

楚王隄記

佚

楚王隄記盧虔撰縣令張仲嚴集王右軍行書貞元十三
年三月在江陵府

寶刻
類編

盧遠將軍李公墓銘

佚據古刻
叢鈔錄入

唐故盧遠將軍守左金吾衛大將軍隴西李公墓志銘

從姪鄉貢進士蔡通撰

夫爲涇源支流一派後輯先軌者蓋經宗子相襲焉由是士
[]時望屈扇和風昔附載簡書何必獨於前聞也公諱宗卿
字同系臨汝郡會祖蘭州刺史日周祖朝散大夫嘉州麟遊
縣[]填考朝議郎涇州虢縣尉援本以敦序[]祖沿訓於孫
忠孝[]時衣冠及位公通亮取時[]性測掇勵躬祇廩克事
流窮固能并仁緝家兼難濟國操節俾摺拖義爲紳常以顯
[] []隱融清猷與友生評談志非苟進曾于道並泰則何
宦而[] []自董武崇階總兵六郡樹勳江左恩旌一門[] []
宗族處朝襄交枉位隲伺內薦冀乎政名中身達身[] []入所
貴而公植其風忽遺其命也時貞元十三年歲次丁丑[] []二

月二十九日終於夏口官舍嗚呼春秋六十有二夫人汲郡
康氏毀躬慟號殆不全性長子德方次子直方方季子幼
方等主奠彌天哀懼若滅長女適於河南元氏先公之淪次
女十六娘已許於天水趙氏幼女十九娘歸於釋門皆茹泣
貫心于感巷以是年夏五月十一日權厝於長樂鄉黃鶴
原西山之陽禮也於戲條翰挺控而見摧君子不幸於中于
所以于于于旄將必竭於生誠藝通忝殊眷孟伯之子恭命
爲于于于敢不殫於瑣述銘曰杳杳邃氣澄澄汪容自仁
其性飾已惟邕顧嚴作度于于于于噫云夢奠倏歎頽梁墮
輪阻轍彫翮沈翔代于馳于于于于彰曙興神輦告赴原塋
卻負山勝前據郊平于哀于于于至情

唐臨遠將軍李公墓銘正元十三年在鄂州輿地碑記目

江陵府官石幢記

佚

江陵府官石幢記唐正元十三年吳仲舒篆元豐六年得之於金鑿寺亦有黃魯直雷題帥王師心移置於杞梓堂

下

與地碑記

吳仲舒撰張澤書盧佐題眾官董挺篆額貞元十三年刻

類編

張端公西園記

佚據文苑英華錄人

南雍州地靈氣爽號爲雄勝峴山漢水環抱里閭東西主人有問於我我或致讓其地荆揚淮楚之不侔也繇是侍御史張公得風景之高朗依連帥之仁愛遂此一廬作爲宅居居

有園園在萬山東五六里植溪西三百許步南植漢高廟正
當佛宮數四與岑巒迤邐蒼松檜盡爲前庭木前有名花
上藥羣敷簇秀霞鋪雪灑潏潏清波後有含桃朱杏的皪蔭
藹殊滋絕液甲冠他園每天清雲淨雨霽風息山僧羽客泊
簪纓好事者亟來從之開軒設簞耳目祛曠煮茶摘果動至
酣樂出門爲人賓宴居成山林適自中得萬累何遠故公用
是上才草聞風聲舊齒莢曹翰飛青冥令手操財賦之柄心
寓希夷之際人謂官薄我有浩氣屈伸通塞顏如也卽西園
之地實張公營道之場也是何棲心拔俗之遐曠也如此載
匡廬遁客日游履踐故輒書眾美於素壁之上使異日造辟
疆者遂用之爲導人云丁丑歲六月庚午推囿者以爲金畏
火而伏之日符載之記

張端公西園記碑符載撰貞元十六年六月

金石存佚考

蘄州新城門頌碑

佚據文苑英華錄入

大唐庚辰歲秋九月岳鄂觀察使御史中丞鄭公前牧于蘄
春始佩銅虎符是年冬十一月蔡人不虔天子詔諸侯之師
誅破之我有疆場與人腹背慮禍甚劇爲虞落然民大愁恐
若寇暴至是邦也夙昔無事人傲慢垂百餘祀城隍不張頽
墉壞堞僅爲平野公乃度舊址量客土備畚插肅丁壯勃焉
而興於是謹刀布以索力考藝鼓以蕩氣嚴進退以設令立
師伍以程課烝徒雷呼萬鎚星飛誅情聳勞間無畱時凡甲
子五癸卽崢然城成矣墉高三雉門容雨轍周迴一千八百
四十步門臺睥睨霞施雲截如崇山斷岸邈不可嚮議金湯

者我居首焉日者嗣曹王舉討希烈之叛於此嘗具板幹作
爲坯築役徒巨億經費稱是樹而復潰卒無以能名風俗耆
老以爲蛟螭靈怪蟠窟固護使人不見其績也公躬自省視
循理辨物心禱且計輔之至誠遂用堅綴於戲斬城楚舊封
也疆淮蔡邇申息地當隘東實生攻奪若向時敵者驅鐵衣
出穆陵襲我無備搖脛而至卽江淮之南吾見其波動矣然
俾夫大藩倚其固屬郡抱其勢千里士庶高枕而臥寇不敢
萌彎弓撿矢之意者新城之謂也由是大君聽民間威聲聞
以公有文武上才故拔自倖牧雄居盛府山川幢蓋皆舊物
也夫賢爲世重績因時達微新城吾見公之才力事業其壘
鬱不揚乎爾日庚辰之歲鶉火有書人用五兵維彼斬下疆
及風馬實啟戎情我昔無虞滅其閭閻埤堞頽傾我公作守

恢拓荒舊乃修其城百堵言言四阿屏顏臨如雲平扼衝據
會寇不敢過生人休窗網維盛烈鴻振芳名我有貞石不追
不琢孰聞風聲是用作頌冀茲不朽與日月永明

蘄州新城門頌碑貞元十六年符載撰

金石存佚考

三星院石塔

佚

三星院石塔在當陽縣葛堰其石柱刻云唐貞元十七年

葬智壽和尚舍利塔

輿地碑記目

王桀石井闌又記

佚

唐上元二年來瑱移之州治立石作記貞元十七年于頔
爲節度使又爲之記掌書記胡證八分書後又題記頔進

封燕公隨軍屈賁書貞元十七年六月立

集古錄目

貞元十七年山南東道節度使于頔撰掌書記胡證書

元豐

頔稿

胡證字啟中河中河東人舉進士第爲太子舍人更從襄

陽于頔署掌書記

唐書本傳

韓文公題名

佚

江陵志云愈爲江陵法曹當時之題名石刻存焉

輿地碑記目

荆南節度判官廳壁記

佚據文苑

英華錄入

荆南山之南府歷上游置尹視京河置使視揚益同巴蜀吳越之治孫自上古爲天下敵在今爲咽喉之地置使荆南之

治否乃天下低昂也夫根之堅扶之必以枝鼓之環運之必
以綸介之庸賢乃使之濇光也御史大夫河東裴公尹正大
卿節度羣州置幕東盡敬之誠以序賓客得弘農楊用又首
分於其軍膏宣燭明風助宸聲踴踴貔螭萬肺如串乃新置
所爰換賓客前是相承卽據而安以耆容蔽以稚憑頑旣謬
旣瀆瑟縮未帖茲止厥位俾齊厥務于是用又立廳於此不
偁不豐退公從公式治于中爰得我容思耆定於永久莫若
書壁之白故用又索我以文

皇甫湜撰

與地碑記目 按舊唐書德宗紀貞元十七年
貝荆南行軍司馬裴均爲江陵尹兼御史大夫

使節度

枝江縣南亭記

佚據文苑
英華錄人

京兆爲韋庇爲殿中侍御史河南府司錄以直裁聽羣細人
憎構之責掾南康移治枝江百爲得宜一月遂清乃新南亭
以適曠懷亭俯湖水枕大驛路地形高低一望空平青莎白
沙控柞緣崖澗芰圓葭誕漫朱華接翠裁綠繁葩春燭決湖
穿竹渠鳴郁郁潛魚慙慙產鏡嬉碧淨烏白赤洗翹窺喫纈
霞穀煙旦夕新鮮冷喉喧啼怨柳情綿令君騁望逍遙湖上
令君燕喜絃歌未已其寮其民日致欣游成羣使纓歎戀停
車止征實爲官業而費家貨不能妨適我而能惠眾嗚乎是
乃仁術也豈直目觀而已乎吾知韋君若是也多惜以尺刀
效小割異日賦政千里總戎疆場吾知其辯終也亦若是而
已矣乃作爲記刻於茲以圖永久

枝江縣南亭記皇甫湜撰

輿地碑記

荆州城東天皇寺道悟禪師碑

伏據全唐
文錄入

師姓張氏婺州東陽人十四出家依明州大德祝髮二十五
受戒於杭州竹林寺初參國一服勤五年大曆十一年隱於
大梅山建中初謁江西馬祖二年參石頭乃大悟遂隱當陽
紫陵山後於荆南城東有天皇寺頃因火廢僧靈鑒將謀修
復乃曰苟得悟禪師爲化主必能福我時江陵尹右僕射裴
公稽首問法致禮迎至師素不迎送客無貴賤皆坐而揖之
裴愈加謹敬石頭之道殆盛於此師患背痛臨終大眾問疾
師囑召典座進前師曰會麼對曰不會師拈枕子拋於地上
卽便告寂壽六十坐三十五夏法嗣三世曰惠真曰幽閒曰
文賁實元和二年四月十三日也

荊州城東天皇寺道悟禪師碑符載撰在江陵

湖北金石錄

二聖金剛神碑

佚

二聖金剛神碑荊南節度營田判官瞿參撰并書及篆額

元和三年正月立

寶刻類編

觀風驛新井記

佚據文苑英華錄入

自荊門至渚宮三百里雖水泉味鹹鑿井疏源往往而有中間觀風驛三十里涓滴不流硤礪而堦長亭短亭三百餘家終日挈瓶入谷而汲暨乎暑氣炎熯天地燒爍金石提縷半路已成溫湯居者既往來難通行者固不保其往元和六歲我司空鄭公節度荊南下車之日緝圖巴徼統正楚風疏導

濱淄未暇細務二年政閑事已因議路室委餽之事饑乏汲
引之道訪於幕中僚佐僉曰地形峭峻意功多未卽贊公公
曰登陸求蓮誠宜不卜然貳師鑿井焉有檻泉愚叟移山素
無巨力志之所至神亦或昭苟利於人不計藏鏹支使庾承
度宣貞絕俗仗義直副成規終此殊績於是程功藏事穴其
路隅一之日興畚鍤俾應舉鼓騰功培土二之日困於石飛
鎚敲火轉石磊砢三之日計工未畢灑泉灰出泛濫激溜井
上千夫囁嚅喧呼揚灑甘溢提缶爭先巷無居人語笑道邊
嗟乎夫善政養人之術皆日就月將然孜孜而化曷若鄧公
興一言土石之役濟萬古生靈之命匠意於眾慮之表見機
於不牽之如此翊君爲堯舜之代惠澤必浸於昆蟲贊國爲
華胥之朝恩波必滋於草木况濟人於聲教之外愛物於象

數之中立德以來無出其右易曰改易不改井以君子清規
長鄭公有馬黃中猥從鄉第得廁賓筵觀事揚嘉猶未盡焉
費後來多士經此樂土知有仁焉時元和七年歲在壬辰十
二月二十三日記

觀風驛新井記崔黃中撰并篆額元和七年十二月二十

三日在江陵府

寶刻類編

觀風驛新井記崔黃中撰并篆額元和七年碑久佚

金石存佚

考按舊唐書憲宗紀元和六年三月以檢校右僕射嚴
綬爲江陵尹荆南節度使綬本傳蜀夏平拜司空封扶風
郡公尋出鎮荆南進封鄜國公文中云司空鄜公卽綬也

扶風馬氏墓志銘

佚錄古刻
叢鈔錄入

廿三娘郎郎姹姹扶風人也故侍中太原尹子曾王父故太

子論德兼兵部郎中子大王父故鄂州州從事子之先父也
子生於玕紹之家育在紱綺之室年廿歲灼如薜英期偶
適龍口口我後嗣何華而不實祖廟不臨以元和八年七月
三日洪水竭來浸溢夏洶合部爲患顧此是遂假官航以虞
熱溺豈家臣失泝馮夷幸災巨舟云覆相次淪沒嗚呼慈親
腸絕天倫氣摧存歿路殊終議國隨以元和八年八月八日
窆於先父塋側禮也悉陵遷徙乃紀銘云伏波有女青娥豔
陽馬氏有男白眉最長於口口口彼天何殃豈春華之睚景
同淪歿於舟航嗚呼生則同氣歿爲異穴舍慈親之恩愛侍
先父之塋闕痛纍纍之古原口口口之永訣

唐扶風馬氏墓銘元和八年在鄂州

輿地碑
記目

穀城令張曠墓誌

存正書

大庸穀城縣志故縣府志

書

唐故文貞公曾孫故穀城縣令張公墓誌銘

并序

鄉貢進士崔歸美撰

節度討擊副使屈貢書并篆

公諱曠字

繼明

范陽方城人也漢功臣留侯之後五代祖桀梁

岳陽王諮議參軍贈持節蔡州諸軍事蔡州刺史諮議生玠

為周宣納上士隋巴州錄事參軍參軍生則隋比陽澧陽二

縣令高祖[玄]弼唐長安縣尉益府功曹參軍贈都督安隨沔

郢四州諸軍事安州刺史曾祖東之故特進中書令監修國

史上柱國漢陽郡王贈司徒配享中宗庭厝祖名嶧高道不

仕考諱愿皇駕部郎中曹葵等十一州刺史吳郡太守兼江
南東道甘肅州採訪黜陟使自岳陽至于採訪皆累葉重光
奕世載德或補天之績或黜陟幽明嘉祉未泯遂生我公公
卽採訪之第八子也起家以門蔭解褐補太常寺奉禮郎旋
授左武衛兵曹參軍貞元中皇帝追先帝舊臣子孫以答功
績遂進補右神武軍錄事參軍在昔高宗外戚擅權密構神
器滔天之禍如火燎原區宇版蕩上慘下黷荆棘道路人思
息肩天未移運禍降元老洎產祿潰計皇綱持紉鯨鯢曝鯢
祥慶委積公竟以非罪中禍謫竄遐裔景公千駟無德而稱
夷齊首陽萬古嘉歎公嘗念先祖有大功於國寵被一門裂
土分茅綸翰盈篋身歿之後名謚煥然決意挺行懷表詣闕
志誠幽贊達于聰明旬雪涕帝用增歎迺降明詔自宰臣

已下集議行跡謚爲文貞五王同時賴公之力也朝廷嘉其
憤激抗表極論可謂孝子孝孫弓裘不墜遂特授襄州穀城
縣令其在邑也彈琴靜理高視雲水仁以變俗德以臨下吏
不敢欺盜不犯境舉直措枉黔首欽服西門在鄴子產治鄭
幾不若也辭秩之日寮吏色沮遮車固留公久想故園去如
脫躡思與白雲長往采薇家山類鴻鶴之在冥同騏驥之解
絆不幸因疾纏綿不起以元和八年六月十九日歿于私第
嗚呼上天不惠殲我良士聞者交涕舊邑罷市豈不以仁於
斯德於斯公享年六十七以其年十一月廿三日祔于大塋
禮也冢子珣先於公一年而卒次子瑀璫璟等銜哀泣血而
言曰桑田有變陵谷遷改若無旌識何以號訪請刊貞石銘
以誌之余以子珣之情授簡而退敢爲銘曰

文貞之孫采訪之子泊于我公令問不已其德如山其晁如蘭久而彌芳萬古不刊

右穀城令張曠墓誌在襄陽曠愿之子嶧之孫曠之子珣瑀瑤瑒皆世系表所未載張氏諸誌敘述先世此爲最詳策官岳陽王諮議參軍與表迥異玠表作紉愿官江南東道采訪使表無南字皆當以石爲正曠爲愿之第八子其諸兄名無考表載有照官殿中侍御史者當是曠之兄表以愿爲漪之子故以煦爲漪之孫誤也表又載有纁蓋卽曠之誤不言其爲穀城令者漏耳誌敘曠懷表詣闕一事卓卓可傳而不見於史冊據誌所敘在貞元錄舊臣子弟之後而張柬之傳云景雲元年謚曰文貞失實矣柬之贈司徒在建中年間傳亦未載誌首行標題云文貞公曾孫

此爲創例尙直甄豆盧遜誌皆冠父爵於上者以其無爵也曠官穀城令有爵矣而冠以曾祖之諡殆以東之之諡因曠之抗表而始錫故特以加於官爵之上以表其行蹟耳曠鯁卽暴腮字是吳之俗見玉篇

襄州樊成公遺愛碑

佚

唐中書舍人平章事李絳撰太子少保鄭餘慶書襄州刺史山南東道節度使袁滋篆額滋以憲宗時鎮山南言故貞元中節度使樊澤在州有善政請立遺愛碑絳奉勅撰澤字安時南陽人後終於荆南節度諡曰成碑以元和八

年十二月立

集古錄曰

李絳撰鄭餘慶正書元和八年十二月

金石錄

碑云相國賈公時鎮漢南以公爲行軍司馬明年召賈公
公代其鎮賈公者賈耽也初耽以德宗在梁使澤奏事俄
有急詔以澤代耽大將張勳前曰天子播越行軍以公命
問行在乃反利公土地可謂事人不忠矣軍中不平請爲
公殺之耽口是何謂也朝廷有帥命卽爲帥矣碑稱詔書
始下面情說毀譽之不可以爲信如此集古後錄

崔夫人墓志

在正書
在襄陽

唐故太夫人崔氏墓誌銘

蓋篆
書

唐朝請大夫唐州長史兼監察御史彭城劉公故夫人崔

氏墓誌銘 并序

外甥鄉貢進士辛劬撰

夫人博陵崔氏實勛之從母其先則齊太公之[盾]泱泱大風
表式東海慶鍾後嗣錫壤于崔因爲氏焉簪組相承名光族
茂二十七代祖封汶陽侯家于涿郡漢桓帝時改爲博陵郡
至十一代祖慙爲燕秘書丞生八子分爲六房姨卽第五房
魏本郡功曹景異之後曾祖樞皇恆州并陞縣令祖元續皇
尤衛兵曹參軍皆貫綜道德窮達理要孝興宗皇大理評事
行潔政清敦學尙禮定規儀之則著纂述之功希世之才非
常所及姨卽評事之仲女容工言行克備于躬閨範內脩芳
聲外積自歸乎劉氏已三十餘年如埴如簏旣保成家之道
以敬以奉當申齊禮之宜劉公名密積襲衣冠門爲世重卽
皇朝進士出身授祕書省祕書郎道積之曾孫皇開府儀同

三司行太子賓客上柱國滕國公贈涼州大都督□之仲子
厯官唐州長史兼監察御史雅量深沉英姿挺特位以公進
名由德昇崇禮讓之風守謙恭之節接眾尙尔於家固然縉
綬同心彼矧此佩誰謂吉凶反兆積善生灾遵疾纏綿方藥
無効顧西景之猶未忽東流之與俱遽分幽明倏變哀樂天
也何昧喪淑于茲以元和九年六月十八日終于襄陽郡之
私第春秋四十有七親戚悲慟行路驚歎卽以其年十月六
日建塋于郡東八里漠陰之原禮也有子二人長曰可復次
曰[弘]復皆稟性冲和幼有成德詩書立志孝行居心執喪毀
容過其制有女三人長卽勸之季弟勸之室劉公前夫人齊
氏所生早虧所恃鞠育於繼親旣習女儀又彰婦道寔資內
訓得如是焉慶室二女並齠齔之年已傳令淑痛乖慈念殆

不勝哀慟忝列外甥實佩恩德追懷因及痛割難任輒申愚
鄙之情詞恭命以述其誌銘曰

謂聰明正直兮惟神無私何吉凶報應兮今則有違仁德既
崇兮福常依榮壽不延兮禍反歸寒郊慘兮日色微轆車駕
兮旌旒飛孤墳晝掩兮永絕光輝哀哀孝子兮泣血霑衣賓
馭還兮人跡稀漢水縈迴兮峴山巍巍

右劉公崔夫人崔氏墓志志中敘劉公官職子息與劉志
同第二子弘復卽劉志中之彝復後改名耳崔出於博陵
十一代祖慈爲燕秘書丞八子分爲六房按宰相世系表
崔懿字世茂五子連珉格邈殊又三子怡豹偁八子爲六
房與志同連字景遇此云景異未知誰之字

三感記

佚

三感記并陰三感吟周愿撰朱存諒書李師晦篆額元和

十一年刻在復州

舊志

神全三感吟

佚

見上

圓震禪師碑

佚

唐震覺大禪師碑白居易文

九域志

白居易撰李球書元和十二年會昌三年鐫在蘄州

寶刻類編

白居易文在黃梅縣靈峰院

古今碑記

靈峰寺在黃梅縣東北五十里烏牙山

以在黃角南一日南山圓證祖師道

場有唐白居易所撰碑及宋張商英輪藏記名勝志按

牙有靈峰院有黃梅縣東北五十里有白居易所撰碑以在鼓角南一日南山圓證祖師道場嘉慶通志分爲二碑

不考之甚

三游洞序碑

佚據長慶集錄入

平淮西之明年東冬予自江州司馬授忠州刺史微之自通州刺史司馬授虢州長史明年春冬祇命之郡與知退偕行三月十日參會于夷陵翌日微之反棹送予至下牢戍又翌日將別未忍引舟上下者久之酒酣聞石間泉聲因舍棹進策步入缺岸初見石如疊如削其怪者如引臂如垂幢次見泉如瀉如灑其奇者如懸練如不絕綫遂相與維舟巖下率僕芟蕪列翳梯危縋滑休而復上者凡四焉仰睇俯察絕無

人跡但水石相薄磷磷鑿鑿跳珠濺玉驚動耳目自未訖戍
愛不能去俄而峽山昏黑雲破月出光氣含吐互相滅明晶
瑩玲瓏象生其中雖有敏口不能名狀旣而夕不寐迨旦將
去憐奇惜別且歎且言知退曰斯境勝絕天地間其有幾乎
如之何俯通津縣歲代寂寥留鯨有到者予曰借此喻彼可
爲長太息豈獨是哉豈獨是哉微之曰誠哉是言矧吾人難
相逢斯境不易得今兩偶於是得無述乎各賦古調詩二十
韻書於石壁仍命予序而紀之云又以吾三人始游故因爲
三游洞在峽州上二十里北峰下兩岸相嶽間欲將來好事
者知故備書其事

唐白樂天量移忠州道峽江與其弟知退及元微之三游
洞中賦詩紀勝而樂天又爲序刻之石壁歲久剝落知州

匡鐸重勒

金石存
佚考

後梁宣明二帝碑堂

佚

後梁宣明二帝碑堂劉禹錫又詩云玉馬相周從此辭園

林寂寞對豐碑千行宰樹荊州道暮雨瀟瀟聞子規

與地
碑記

目

復荊門縣記

佚據全唐
文錄入

直故郢北走之道其聚邑曰荊門揭起重關殿於樂都名視
縣內之制居殷形束之要故吏師重焉通外夷之底貢會南
藩之述職故賓禮繁焉其肇允經營實王孫呂夔居荆以表
之命行名建而締構之弗暇無幾何有由勇爵而授赤社於

茲者微馳名於省臺謂相沿爲非智因請罷去其號發踐更
以董之有司不能端究事本循空言而可其奏繇是分地徵
以歸它邑野之人有回遠之歎廢文吏而顓成督行之旅有
誰何之難是利不及下也黎民病之自鄆而南斯爲畫疆抵
郡之路貫其七舍持瑞節而銜急宣之使蓋陰相交遂使服
縵胡者備問俗之對執刀匕者申飭牽之禮是敬不及賓也
君子病之如是幾二十歲距永貞元年江陵尹裴公政成上
游德及矜人大建長利俾無遺害乃外濟羣欲內張全模周
圖經制條自於狀昌言旣從公議攸同忘勞之徒樂周之工
載大其門載高其墉經術脈分閭閻架空然後析便地以肥
之建其官以司之糜羨財以償其力役汰冗食以資其秩稍
田里不問於徵令縣官無減於歲入越某月旣成而落之官

修其方人樂其居將迎犒飫之儀展廐置符繻之業舉戍夫
有伍公吏有職由彙而分率無踰閑入其封者可以知教元
和元年四海會同天子命公師長南宮三年公以介圭入覲
途出斯邑邑人之華皓幼童咸須於道周距躍而謠曰起我
堙廢而完之徠我蕩析而保之昔室於墟風搖雨濡自公優
柔郭閭盈兮昔飲於滂夏涸冬枯自公感通霽沸生兮淑旂
之華兮四牡之騑後公之還兮觴以祝之卻略踟躕百形一
音公爲駐錯衡而勞之有以文從公者記事於牘且曰民可
懷也盡命夫學舊史之事以志焉公不得讓而從之走是以
有授簡之辱初公以縣之之使聞於上也禹錫方以郎位貼
職於計曹章下之日得以省事待今以遷人獲宥於善郊工
休之日得以踐履故於拜命無牢讓於傳信無愧詞以爲古

之創物建庸宜於人民而得其時者則必調其事功爲後代
法雅有營謝美召伯也傳稱城沂賢薦敷也賦水泉原隰之
狀志慮事命日之規當書而詠之細亦弗可略也是用謹其
本始而存乎篇俾後之視今者知楚郊之典云

復荆門縣記劉禹錫撰

湖光金
石錄

葬安氏誌

伏據全唐
文錄入

予稚男荆母曰安氏字仙嬪卒於江陵之金隈鄉莊敬坊沙
橋外二里嫗樂之地焉始辛卯歲予友致用憫予愁爲予卜
姓而授之四年次供侍吾賓友主視吾巾櫛無違命近歲嬰
疾秋方綿痼適予與信友約浙行不敢私廢及還果不克見
大都女子山人者也雖妻人之家常自不得舒釋況不得爲

人之妻者則又閨衽不得專妬於其夫使令不得專命於其下外己子不得以尊卑長幼之序加於人疑似逼側以居其身其常也況予貧性復事外不甚知其家之無苟視其頭面無蓬詬語言不以饑寒告斯已矣今視其篋笥無盈丈之帛無成襲之衣無帛裏之衾予雖貧不使其若是可也彼不言而予不察耳以至於其生也不足如此而其死也大哀哉稚子荆方四歲望其能念母亦何時幸而立則不能使不知其卒葬故爲誌且銘銘曰

復土之骨歸天之魂亦旣墓又何爲文且曰有子異日庸知其無求墓之哀焉

安氏志元稹撰在江陵

湖北金石錄

鄂州何大夫創制夏亭詩序

佚錄全唐

文錄入

豐城有神劍非司空無以發沈寔揚光彩爲天下之大寶江夏有善地非亞相無以起雄峙作亭榭爲天下之至勝景極必盈晦極必明開物之務繫於賢者此自然之理也先是郡中寺曰頭陀名與碑並登臨鍾萃大雲氣色下配礫石公政教既備游心佛寺慨此頽落乃沛然而張之聳阿閣矗長檻嚴像設熾臺塔凡所相好皆鼎新也方務剪伐用探勝會一時景與值甘心采入意謂粹絕余將獲之迺緣後殿穿窬出乎蒼莽之巔果有實境待我而啟萬古不偶今爲知音通塞之際若有感也觀乎經營之初也鎡鋸嶮坎窞斬榛楛樛株枿翳蒼掃盡天形嶷然山川雲氣一朝噴泄公智動於內形象於外口疏手指煥然成亭侈儉無過因歸於中當於是

延賓介泊郡之士君子相與開襟而登之殊解乎淩決淋駕
崢嶸歷夏口撐大別開井闌於砌下擁城闌於宇後倚檻凝
立枉青冥中連山積水悠悠渺渺長想一去周流物表何如
宇宙於此爲細絲是言之因公知公弘邁可以拔幽陋材智
可以陶品彙應用不測與造物者爲徒乎崇崇夏籍南峴何
羊祜之事齊芳永久夫詩者比興而詠志也凡我登覽盛美
情倣無述豈文士之意乎況主人唱首韻鏗金石得不搜承
思上承獻酬請咸繼大夫之後賦六韻之作耳

鄂州何大夫創製夏亭詩序白居易撰在鄂州

湖北金石錄

永興觀碑

佚

永興觀碑在當陽縣後街唐元和中立

輿地碑記目

谿堂詩序

佚

谿堂詩序韓愈撰戶部侍郎牛僧儒書蘄州錄事參軍戴

邴篆額長慶三年在蘄州

寶刻類編

鄂政記碑

佚據文苑英華錄人

高平公以今皇帝三年春出鎮鄂實澤國地連大別雲夢洞庭穆陵控扼勝勢號爲東南巨鎮與江陵會府不侔來臨者苟能惠百姓軍旅必咨怨苟能富軍旅百姓不堪命二德旣不易倘朝廷亦難其材自高平公爲政顓以誠信惠和撫下軍旅受其撫勇知方百姓受其撫恥且格繇春到秋政與稼且成至明年公知民心安軍心雄乃次視閭井城墮有陋狹

不快人心者皆開張治本鄂城置在曷渚間地勢大四凸凸者頗險凹者潞浸不可久宅息不議制度公命削凸堙凹廓恢閭巷修通衢種嘉樹南北繩直拔潞浸者升高明湖澤瘴癘勿藥有愈郡城舊制陋屋駢聯自十二戟直南置土地隘塞若人胸不開將佐序宇次第甚牢落州佐掾署亦牢落公正立戟間指吏徒折去陋屋南抵城墉下南面北嚮立射侯軍容佐西翼東嚮立牙門料將院東翼西嚮立州佐六掾院東長廊聯軒萬門呀呀中央廣除得以講校戎律班布等列霜戟洞啓公堂耽耽每至朔望日軍吏畢謁軍容大修有以見堂堂儀觀不可觸犯也然後知皇唐諸侯之爲貴也鄂之軍實三萬先時營宇皆曲陋低下歲有墊溺師徒患之公心亦患之引軍出郡壘東門之外良地伏在莽下公自得心識

手開畫之創新營凡十五所合三千間瓦鱗鱗楹盈盈軒門
對開欲呀風雷若有神物借助其功觀人駭目目不得見居
人廬舍先不如法者皆自我如法肯與瑣瑣胸臆經營細碎
不副大君委重柄之意者齊肩乎則知公之爲政不專於鄂
枝郡亦猶鄂復明年巡封略間遇遽一若門門有公猶將校
僚吏卒伍元元咸不勝公惠熙熙相賀自謂長庇公德宇下
道路合聲王人中貴聞政聲到闕下天子聞至五年冬十二
月下詔徵公尹河南河洛人賀聲動河洛江漢人喧聲動江
漢天子又問二地人賀喧聲愈知公仁深不三月復遷公上
黨上黨父老喜躍攜壺漿簞食逾太行迎太行素嶮巖鄂人
問上黨父老迎我公過太行去若火入腸臍相與自相尤曰
我曹皆公庇蔭貽惠父母生我公實活我今公去郡恨無史

氏記不書我公德不光照本邦是我曹負公也非公負我曹也胡不率大宜聲音詠思我遺愛使隘衢陋巷幾采教化者聞必寓於風雅上則天子史官得詳載史冊遺愛遺惠豈謝古人邪是心愈見公德如卿雲景星所出必爲國瑞所至必爲人福不顯枉一方面已某聲名陋小未縻人爵不敢擅斷石懼累公德但直錄鄂人詠思之言將上告天子史官壓塞鄂人望若河南遺愛洛多君子固以爲民詳矣上黨新政方大未可測酌非陋文衰述也

鄂政記舒元興撰

金石錄佚考

漢東紫陽先生碑銘

佚據茅山志錄入

嗚呼紫陽竟天其志以默化不昭然白日而升天乎或將潛

賓皇王非世所測□□□□□□□□挺列仙明拔
之英姿明堂平白長耳廣額揮手振骨百關有聲殊毛秀采
居然有異□□□□□□□□□□而直達何龜鶴早世蠅
蛄延秋元命乎遭命乎余長息三日惜於化變之理先生姓
胡氏□□□□□□族也代業黃老門清儒素皆龍脫世網
鴻冥高貴無貴人爵何微閭閻始八歲經仙城□□□□□
□□□□□□□有清都紫微之遐想九歲出家十二休糧二
十遊衡山雲尋洞府水涉冥壑神王□□□□□□□□召
爲威儀及天下采經使因遇諸真人受赤丹陽精石景水母
故常吸飛根吞日魂密而修之□□□□□□□□所居苦竹院
置食霞之樓于植雙桂樓遲其下開金陵之墟道始盛于三
茅波乎四許華陽□□□□□□□□陶隱居傳昇元子昇元

子傳體元體元傳真一先生真一先生傳李含光李含光合
契乎紫陽□□□□於神農之里南抵朱陵北越白水稟
訓門下者三千餘人鄰境牧守移風問道忽遇先生之宴坐
□□□□□隱几雁行而前爲時見重多此類也天寶初威
儀元丹丘道門龍鳳厚禮致屈傳籙於嵩山東京大唐□□
宮三請固辭偃臥未幾詔書下責不得已而行入宮一革軌
儀大變都邑海鳥愁藏文之享猿狙裂周公之文志往跡留
稱疾辭帝尅期離闕臨別自祭其文曰神將厭余余非厭世
乃顧命姪道士胡齊物具平肩輿歸骨舊土王公卿士送及
龍門入葉縣次王喬之祠目若有覩泊然而化天香引道尸
輕空衣及本郡太守裴公以幡花郊迎舉國雷動□□□□
開顏如生觀者百萬羣議駭俗其年十月十三日葬於郭東

之三
之新松山春秋六十有二先生含弘光大不修小節書不盡
妙變有崩雲之勢文非夙工時動雕龍之作存也宇宙而無
光沒也浪花而蟬蛻豈□□□□□□乎有鄉僧貞倩
雅仗才氣請余爲銘余與紫陽神交飽食素論十得其九弟
子元丹[匡]等咸思鸞鳳之羽儀想珠玉之雲氣灑掃松月載
揚仙風篆石頌德與茲山不朽其詞曰賢哉仙士六十而化
光光紫陽善與時而爲龍蛇固亦以死生爲晝夜有力者絜
之而趨劫運頹落終歸於無惟[玄]神不滅湛然清都延陵旣
沒仲尼嗚呼青青松柏離離山閣篆石頌德名揚八區

紫陽先生碑實[歷]二年李白撰

湖北金石錄

紫陽先生碑李白撰柳公綽書實[歷]二年三月在隨州刻

紫陽先生碑銘李白撰在廢光化縣

寰宇記

光化城在隨州東南三十里本楚子城也齊置安化縣西

魏改新化縣後周改光化縣熙寧元年廢爲鎮

方輿紀要

碑陰題記

佚

紫陽先生碑陰李蔡撰柳公綽書寶曆二年三月按其前

九十一字公綽自敘書碑事也

寶刻類編

蒙泉詩

佚據方輿勝覽錄入

京路馬駸駸塵勞日向深蒙泉聊息駕可以洗君心

蒙泉詩沈傳師撰文鼎書

墨池編

沈傳師字子言材行有餘能治春秋工書有楷法貞元末

舉進士後復登制科授太子校書郎以樛尉直史館轉左拾遺補闕史館修撰遷司門員外郎知制誥召入翰林爲學士俄出爲湖南觀察使徙宣州入爲吏部侍郎卒年五

十九贈尙書

唐書沈既濟傳

惠泉詩

依據韻語陽秋錄入

茲泉由太潔終不蓄纖鱗到底清何益涵虛祇自貧

荆門軍有惠泉李德裕題詩云茲泉由太潔終不蓄纖鱗

到底清何益涵虛祇自貧

後四句云明鏡難秘彩美玉詎蓄珍未及黃陵量酒酒豈有津

至今碑版存焉本名蒙泉沈傳師有蒙泉聊息駕可以洗

君心之句而德裕乃直曰惠泉

韻語陽秋

蒙泉在峽石山之麓

峽石山一名蒙山一名象山

南曰蒙泉西北曰惠

泉每晝夜兩潮水溢數寸

吳地紀勝

惠泉詩碣

存行書在

荆門州

惠泉

璞玉耀荆山山根竇玉泉有聲清出籟凝色碧於天曉靜微
涵日春晴淺浸煙巖花紅影密啼鳥下沙壩 寶曆四年二
月廿一日

馬案右碑高二尺四寸寬三尺一寸首行書惠泉二字次
行漫漶莫辨當是作詩人姓名中六行行書五律一首云
璞玉耀荆山山根竇玉泉有聲清出籟凝色碧於天曉靜
微涵日春晴淺浸煙巖花紅影密啼鳥下沙壩末行書寶
曆四年二月廿一日字徑二寸許案鄭漁仲金石略載荆

門軍有宗文鼎惠泉詩新舊唐書無文鼎傳全唐詩亦未
之及是刻雖闕其名然以年號與鄭氏所載證之詩爲文
鼎作無疑唐代詩人湮沒無聞者正復不少今荆門象山
石壁畱此惠泉詩刻以傳文鼎之名不可謂非幸矣

湖北金石

詩注

重巖寺記

佚據文苑
英華錄入

官寺有九而鴻臚其一取其賓而往來也臚也者傳也傳義
方之賓禮義語言也寺也者府署之別號也古者開其府署
其官將以禮待異域賓客之地竺乾之教蓋西土絕徼者也
自漢人夢人如金色之降其流來東吾之鴻臚待西賓一支
特異於三方厥後斯來委于吾土吾人仰之如神明焉伏之

如風草焉至有思觀厥貌若盱然如見者則取其書按其云
云之文鎔金琢玉刻木扶工運毫含色而強擬其形容構夏
而壯之猶波之委於瀆瀆之注於冥晝夜何曾知停息之時
其如是非官守之一而能容焉故釋寺之作由官也其非九
而能拘也其制度非臺門施樹而能節也故十族之鄉百家
之閭必有浮圖爲其彩黛國朝沿近古而有加焉亦容雜夷
而來者有摩尼焉大秦焉祇神焉合天下三夷寺不足當吾
釋寺一小邑之數也其所以知西人之教能蹴踏中土而內
視諸夷也及其繁也學徒如林金貝如山故文昌官祠學局
而司之東西都司貴人分衢而使之商其賂猶天文隸於河
漢而莫之極也非名無以別之乃隨意而出焉有見天地祥
符而稱之者有取山川激絕而稱之者語其額而名可知也

重巖之作蓋山川秀絕之大統江夏之永興寶應元年秋七月自天有命而升于文昌宮之春官籍考其地有重巖峽焉故命寺乞此名以大厯十三年遷縣於長慶鄉寺亦與遷貞元八年縣又遷之長樂深口寺亦隨動今之地直縣之坎三百六十步有邑人葉望者心存于金色人不待布金而出其地以奉之輪廣二百畝石肘于熊耳左腋于覆盆連岡伏其背深湖朝其嚮擁抱之勝盡在其土有僧曰謙曰飄手開榛蕪竄而立困竟遺其恨于後焉長慶三年春三月上座僧良鑒沙門器有公識其徒所推乃執柄結構主廢興爲己任寺以利堅沙門與都維那道援志力是俱物亡橫議邑俗之倫以貨來資者如官司驅焉至明年明春二月星一周而新功成樹宇之爲殿者其間五扶土而爲象者其形七帳之飾瑤

者如殿間焉乃鑿門而三張翼而廊殿陰有北方挂金革天神之宮東北有禪氏七代祖沙門栖心之室也凡二十四曲突而能庖築堂而會食拓庭寬植木而陰湖山參差金碧相錯舍舟車而極其心相者宜化成焉嗚呼域外之教而入於域中如此而大邪人謂沙門之亡才吾不信也良鑒旣以力之辛勤而就亦欲其事之流於異時乃買武昌石琢磨爲碑自永興錄其狀訴授于予予因撫其狀而書之復紀以銘銘曰重巖重巖無峽無友釋宮斯闢上躡星斗虹完梁棟日月戶牖金相凝凝煙水奔走雷飈箭雨溟濛不朽磔然之石附地之厚刻其成功垂耀于後

重巖寺記在興國軍景德寺太和元年舒元興撰

與地碑記目

按輿地紀勝隋開皇十八年改富州曰永興居高陵故城貞元八年移於長樂鄉之深口據碑文大興十三年先遷

縣於長慶鄭貞元八年再遷深
口紀勝未詳可據碑以證之也

烏雀山故園震大師碑

佚

烏雀山故園震大師碑張彪傳并正書及篆額大和庚戌

在蘄州

寶刻類編

京兆杜氏墓志銘

佚據古刻

叢鈔錄入

唐朝請大夫試絳州長史上柱國趙郡李君故夫人京兆

杜氏墓誌銘

并序

從弟將仕郎守弘文館校書郎宣猷撰

夫人諱瓊本京兆杜陵人後因家邢州遂爲邢之堯山人焉
曾祖知慎皇將仕郎守冀州南宮縣尉祖昌運皇守忻州定

襄府左果毅上柱國父栖巖皇朝散大夫試左武衛長史之
叔女也笄年歸於李君明正清邵輔以材能落落焉有賢傑
之操間歲李君隨牒襄陽夫人亦來漢上宣猷與夫人別業
接連得敘宗族日漸月深情同密親始予隨進士貢路出漢
濱時寓夫人里第稅駕之後徒馭如歸開顏拂主禮甚渥
李君賢厚少事以儒書自適門內之治實夫人主之其奉夫
也以敬其訓子也以義其睦親也以誠其接下也以德吹惠
布明家政煥然舉是而言雖賢丈夫何以過也嗚呼才智方
遠光景不借以大和五年十二月三十日薨於襄州旌孝里
之私第春秋六十攸五明年十月十一日安厝於襄陽縣習
池鄉之西把里夫人生二女二男長女適太原王儀次女適
扶風馬監長男德元次男德章德元幼奉擇鄰之訓明經擢

第釋褐隨縣尉德章休休然亦以詩禮光業今則泣血崩心
若無所容光遠有期託予誌德濡毫寫悲不差不能銘曰
杜氏之先陶唐同源遠脈搖漾爲傑爲賢夫人體之令範昭
然身同朝露門閉幽泉刻銘片石千年万年

唐絳州長史李君夫人京兆杜氏墓志從弟宣猷撰大和
五年薨於襄陽明年厝於習池後記李公諱齊用大和九
年卒附於夫人塋孫亞夫記復齋碑錄

唐州長史兼監察御史劉密墓志

校正書
在襄陽

大唐故劉府君墓誌銘

蓋篆
書

唐故朝請大夫唐州刺史兼監察御史彭城劉府君墓誌

序并

公諱密字霞夫其先望出彭城自漢楚孝王已降執珪璋佩
侯印史諫載之脩矣銘記三代故略而不書曾祖諱道積進
士擢第終襄州樂鄉縣令列祖諱希順終祕書省祕書郎昭
考府君諱榮明經擢第終澤州刺史公皇祖姑爲睿宗皇帝
正后誕讓帝唐昌公主由是枝葉赫弈輝光胄族公幼不好
弄能敬師受詩及春秋左氏傳旣冠游大學三年舉孝廉不
中第因與諸生誦罷語及時之通塞窮達之事乃奮然起曰
大丈夫得不以盡干天下而求富貴者耶焉能久戚戚於斯
而已遂束書東游濟漠揖漠南卽度使樊公澤澤愛其材表
爲試太常寺協律郎兼列臧於轅門之內奉禮樂於清袂整
介胄於軍旅貞元十五年于公頓卽制漢南尙以淮寧阻命

鄰境是憂念陸賈之使南越思食其以下齊城府幕軍戎無
所當選乃命往說焉有功兵還奏加兼監察御史元和六年
裴均相國領鎮錄以前功奏授朝請大夫唐州長史後亦累
爲廉使奏叙勳階元和十一年孝秩既滿職請退休優遊別
墅尋繹黃老咤乎高鳥已盡自弃良弓宴息林園潛心道術
一旦鵬來萃災變寢門以大和五年八月二十二日終於宜
城縣私第享年七十公前娶高陽齊氏有一女齊夫人先公
三十七歲而歿後娶博陵崔氏先公十八年而歿崔夫人有
二男二女長男曰可復次男曰昇復長女適隴西董氏次女
適弘農楊氏先公一歲而歿皆泣血過禮不勝毀瘠以大和
六年七月十六日啓崔夫人之殯十九日與公合祔于襄州
襄陽縣東臺鄉之南原禮也銘曰

生而惠 長而強 祿亦爲禮 壽亦爲長 有子有孫繼其光

右唐州長史兼監察御史劉密墓志在襄陽漢水之濱出土碑云皇祖姑爲睿宗皇帝正后誕讓帝唐昌公主按新書皇后傳睿宗肅明順聖皇后劉氏劉德威之孫女生宣王壽昌代國二公主爲武后所殺宣王卽讓皇帝壽昌公主下嫁崔貞代國公主下嫁鄭萬鈞志不言代國者志之疏也代國公主碑今尙存開元廿二年立亦載母爲肅明順聖皇后劉氏與傳同唐昌壽昌亦殊異樊澤于頔裴均俱先後爲山南東道節度使唐書均有傳澤任於貞元三年頔任於貞元十四年均任於元和三年皆與志合又云于公頔節制漢南尙以淮宣阻命鄰境是憂念陸賈之使

南越思食基以下齊城府幕軍職無所當選乃命往說焉
有功按通鑑貞元十五年淮西吳少誠阻命襲唐州掠臨
潁攻許州皆枉是時于頔繕甲厲兵有保據漢南之志或
假勸降互相鈎結未可知也密出於彭城劉氏曾祖道積
祖希順考粲子可復葬復唐書世系表不載葬復卽夫人
志中弘復改名

襄州文宣王廟記

佚

襄州文宣王廟記裴度撰崔倬正書盧弘宣篆額大和六
年四月金石錄按唐書裴度傳大和中出爲山南東道
節度使盧弘宣見循吏傳云弘宣字子章元和中
擢進士第鄭樵帥襄陽時署幕府李愬代樵二人交憾弘
宣始謁愬愬收左右讎衛既與語見其冲遠不覺洗然裴
度爾守東都表爲判官累遷給事中開成中遷京兆尹刑
部侍郎劍南東川節度使徙義武節度使弘宣性寬厚政

日簡省人便安之然犯者不甚貸歷工部尚書祕書
監以太子少傅致仕卒年七十七贈尚書右僕射

馮府君綸墓銘

佚據古刻

叢鈔錄人

府君諱綸字實周長樂人也曾祖□祖琰父璋俱養性□園
高尚不仕府君卽璋第二子幼而簡約長而弘雅恬然自處
不趨世利禮則凝重器宇沈深雖榮之與辱不能動其色忘
言得意忻忻如也輕財重義博識多能理性內融微猷外發
男公造立身恭謹色養兢兢二女令淑有聞各娉他室嗚呼
斯人不保遐壽少乖攝衛伏枕彌旬藥術無徵奄隨風燭以
大和七年八月一日終于私第享年七十府君殄也陰雲暗
慘烏雀悲鳴至理固微天何可問男女迷謬叩地號天閭巷
傷聞爲之慙默夫人陳氏蓬首灰心沈哀骨立徒想瓊田之

草無復返魂之香以其年十月十五日葬於江夏長樂村射
亭里之原禮也北背黃鶴之嶺南瞻八口之峰恐年化浸疎
川原變易刻石紀事永將不移辭曰日月至明尙有盈缺
山至壯尙有崩裂感彼馮君隨波生滅時維孟冬析析悲風
凝陰蔽野苦霧埋空敬勒斯志千載無窮

唐馮府君綸墓銘大和七年在鄂州

輿地碑記目

胡府君夫人朱氏墓志銘

依據古刻
叢鈔錄人

胡府君夫人朱氏墓志銘

儒林郎試左金吾衛長史上護軍明援撰

胡府君安定人其先分氏於僞曰胡公滿之後也綿歷載伐
□賢顯赫以元和十二年十一月四日先十七稔而終祖考

□諱仕進文藻暨府君德行名節男婚女娉□具前志故略而不書夫人族望沛國累世因播遷今爲江夏安陸人也曾祖大父載在家牒考諱璧游心物外守□□志道忘情不屑時務可謂□園奇士聖代逸人焉夫人卽處士第一女也柔惠懿淑婉婉雍妍禮樂□□女工□解年及乎笄歸于府君琴瑟克諧澣濯示儉箕帚旣恭蘋蘩式潔閨門以睦宗族以和中罹府君之艱痛鵠枝之半折恨龍劍之偏沈撫□盡哀秉心全節惻愴零慕寒暑載移於戲吉凶倚伏幽微□明德禮彌高年齡忽落以大和六年□寢疾明年正月十□日終于江夏郡中和里之私第享年八十有二越二月廿□日合葬于黃鶴山之南原府君之塋遵魯人之祔同皎日之詩禮也嗣子眞等皆發□受鋒觀材見寶孝心塞乎天地而橫

乎四海豈止於泣血終喪感深殞絕而已哉以援曾預□親
之友奉命述其盛□云銘曰

嶺巖黃鶴□巒傍薄迤迤南岡形勝北□合俯舊域威儀不
忒倚那夫人德禮難□閨壺朗澈松筠表節地久天長桂馥
蘭香桑田變海貞石不改

胡府君夫人朱氏墓志銘大和七年荊鄂州

輿地碑
記目